

東觀漢記

東觀漢記

東觀漢記卷三

帝紀三

恭宗孝安皇帝

孝安皇帝諱祐清河孝王第二子也少聰明敏達慈仁  
惠和寬裕博愛好樂施予自在邸第數有神光赤蛇嘉  
應照曜于室內又有赤蛇盤紆殿屋牀第之間孝王常  
異之年十歲善史書喜經籍和帝甚喜重焉號曰諸生  
數燕見省中特加賞賜下以玩弄之物諸王子莫得與  
比殤帝卽位鄧后臨朝以帝幼小詔留于清河邸欲爲

儲副殤帝崩以玉青蓋車迎齋于殿中拜為長安侯乃  
 即帝位謙讓恪勤孜孜經學篤志供養委政長樂宮  
 永初元年徼外羌龍橋等六種慕義降附永昌獻象牙  
 熊子新城山泉水大出突壞人田水深三丈冬十一月  
 帝始講尚書耽于典藝

二年春正月帝加元服夏六月雨雹大如芋魁雞子風  
 拔樹發屋秋閏七月徼外羌薄申等八種舉眾降

三年鴈門烏桓及鮮卑叛五原郡兵敗于高梁谷

范書

紀李賢注川是書云戰九原高梁谷范書梁作渠渠梁相類必有誤也

四年新野君薨贈以玄玉赤綬賻錢三十萬布三萬匹  
 五年漢陽人杜琦反自稱安漢將軍漢陽故吏杜習手  
 刺殺人

六年春正月甲寅皇太后率大臣命婦謁宗廟

七年郡國蝗飛過調濱水縣彭城廣陽廬江九江穀九  
 十萬斛送敖倉

元初元年日南地坼長一百八十二里廣五十六里

二年春正月書衣蠻夷堂律等歸義冬十月安定太守  
 杜恢與司馬鈞并威擊羌恢乘勝深入至北地靈州丁

奚城爲羌所害鈞擁兵不救收下獄蠻田山高少等攻城殺長吏州郡募五里蠻夷六亭兵追擊山等皆降十月二月賜五里六亭渠率金帛各有差

四年春二月武庫火燒兵物百二十五種直千萬以上冬十二月虔人種羌大豪恬狼等詣度遼將軍降

延光二年九真言嘉禾生禾百五十六本七百六十八穗

三年鳳凰集濟南臺丞霍穆舍樹上賜帛各有差衛縣木連理定陵縣木連理潁川上言麒麟白鹿見黃龍見

歷城又見諸縣

四年春三月幸宛還帝崩于葉帝在位十九年時年三十二御車所止飲食百官鼓漏起居車騎鹵簿如故及還宮皇后與兄顯中常侍江京樊豐等共爲詐不容令羣臣知帝道崩欲僞道得病遣司徒等分詣郊廟社稷告天請命誣罔靈祇以亡爲存其夕發喪羣僚百姓如喪考妣塞外蠻夷致祭涕泣葬恭陵

敬宗孝順皇帝

孝順皇帝諱保孝安皇帝長子也母早薨追謚恭愍皇

后帝幼有簡厚之質體有敦慤之性寬仁溫惠始入小學誦孝經章句和熹皇后甚嘉之以爲宜奉大統年六歲永寧元年爲皇太子受業尚書兼資敏達初乳母王男廚監邴吉爲大長秋江京中常侍樊豐等所譖愬殺之太子數爲歎息京等懼有後害遂共構陷太子太子坐廢爲濟陰王

案此延光三年事

明年三月安帝崩北鄉侯卽

尊位王廢黜不得上殿臨棺而悲哀泣血不下餐粥北鄉侯薨車騎將軍閭顯等議前不用濟陰王今用怨人白閭太后復徵立諸王子閉宮門屯兵自守中黃門孫

程等十九人共討賊臣江京等以迎濟陰王于德陽殿西鐘下卽皇帝位司空劉授以阿附惡逆辟召非其人策免

永建元年太傅馮石太尉劉熹以阿黨權貴李郃以人多疾疫免

三年太傅桓焉以無清介辟召策罷

四年漢陽率善都尉蒲密因桂陽太守文龔獻大明珠詔曰海內頗有災異而龔不惟竭忠而遠獻明珠以求媚令封珠還蒲密太尉劉光司空張皓以陰陽不和久

東晉書 卷三  
四朱攸校  
託病策罷司徒許敬為陵轅使官策罷以千石祿終身  
六年葉調國王遣使師會詣闕貢獻以師會為漢辨義  
葉調邑君賜其君紫綬及揮國王雍田亦賜金印紫綬  
陽嘉元年望都蒲陰狼殺子女九十七人為不祠北嶽  
所致詔曰政失厥中狼災為應至乃踐食孤幼博訪其  
故山嶽尊靈國所望秩而比不奉祠淫刑放濫害加孕  
婦也

二年汝南童子謝廉河南童子趙建年十三各通一經  
以太學初繕召而至皆除郎中疏勒國王盤遣使文時

詣闕獻師子封牛

四年太尉施延以選舉貪汙策罷零陵言日食京師不  
覺詔曰朕以不德謫見于天

永和六年冬十二月詔故將軍馬賢前伐西夷克敵深  
入父子三人同命其以漢中南鄭之武陽亭封賢孫承  
先為武陽亭侯食租稅

漢安元年以遠近獻馬衆多園廐充滿始置承華廐令

映六百石其九十家不自存詔賜錢廩穀

案此十二字見劉昭五行

志出上有闕文據志漢安元年三月維陽秋八月遣侍  
劉漢等百九十七家為火所燒蓋一事也

東觀漢記 卷三 朱攸校  
中杜喬光祿大夫周舉等八人分行州郡頒宣風化舉  
實臧否

二年詔禁民無得酤賣酒麴

建康元年秋八月帝崩于玉堂前殿在位十九年時年  
三十遺詔無起寢廟衣以故服珠玉玩好皆不得下務  
爲節約葬憲陵有司奏言孝順皇帝宏秉聖哲龍興統  
業稽範則古欽奉鴻烈寬裕晏晏宣恩以極躬自菲薄  
以崇立默遺詔貽約顧念萬國衣無製新玩好不飾瑩  
陵損狹不起寢廟遵履前制敬敕慎終有始有卒孝經

曰愛敬盡于事親而德教加于百姓詩云敬慎威儀惟  
民之則臣請上尊號曰敬宗廟天子世世獻奉藏主祫  
祭進武德之舞如祖宗故事露布奏可

### 孝沖皇帝

孝沖皇帝諱炳順帝之少子也年三歲是時皇太子數  
不幸國副未定有司上言宜建聖嗣建康元年夏四月  
立爲太子順帝崩太子卽帝位尊皇后梁氏爲皇太后  
帝幼弱太后臨朝

永嘉元年春正月帝崩于玉堂前殿在位一年葬懷陵

孝質皇帝

孝質皇帝諱纘章帝玄孫千乘貞王之曾孫樂安王孫  
 渤海王子也年八歲茂質純淑好學尊師有聞于郡國  
 孝冲帝崩徵封建平侯即皇帝位九江賊馬勉敗死傳  
 勉頭及所帶玉印鹿皮冠黃衣詣雒陽詔懸夏城門外  
 章示百姓

本初元年夏閏六月帝崩于玉堂前殿在位一年時方  
 九歲葬靜陵

威宗孝桓皇帝

孝桓皇帝諱志章帝曾孫河間孝王孫蠡吾侯冀之長  
 子也母曰偃夫人年十四襲爵始入有殊于人梁太后  
 欲以女弟妃之本初三年四月徵詣雒陽既至未及成  
 禮會質帝崩無嗣太后密使瞻察威儀才明任奉宗廟  
 遂與兄冀定策于禁中迎帝即位時年十五太后猶臨  
 朝御卻非殿改元建和

建和元年芝生中黃藏府

永興二年光祿勳府吏舍夜壁下忽有氣掘之得玉玦  
 各有鉤長七寸三分玦周五寸四分身中皆有雕鏤詔



司隸蝗水爲災五穀不登令所傷郡國皆種蕪菁以助  
民食

延熹元年初置鴻德苑

二年大將軍梁冀輔政縱橫爲亂帝與中常侍單超等  
五人共謀誅之于是封超等爲五侯暴恣日甚毒流天  
下司徒韓續司空孫朗並坐不衛宮止長壽亭減罪一  
等以爵贖之初置秘書監掌典圖書古今文字合異同  
三年白馬令李雲坐直諫誅  
四年京師雨雹大如雞子

五年長沙賊攻沒蒼梧取銅虎符太守甘定刺史侯輔  
各奔入城賊乘刺史車屯據臨湘居太守舍賊萬人以  
上屯益陽殺長吏以京師水旱疫病帑藏空虛虎賁羽  
林不任事者住寺減半奉

七年冬十月上幸雲夢至新野公主壽張敬侯廟詔曰  
存善繼絕實藉德貞武騎都尉樊演高祖父重以光武  
皇帝元舅扶助中興追封壽張侯諡曰敬祖父茂封冠

軍平望鄉侯五國並建其二絕者祠之

案新野公主光武姊元也嫁鄧

晨詔中不及祠之之意當有關文

八年妖賊蒸登稱大皇帝有璧二十珪五鐵券十二後伏誅

九年戴異鉏田得金印到廣陵以與龍尚名臣少府李膺等並為閹人所譖下獄死

膺等之死在靈帝建寧二年是時但以鉤黨下獄

此蓋通後事言之永康元年西河言白兔見帝好音樂善琴笙立黃老祠

北宮濯龍中以文廟為壇飾淳金銀器彩色眩耀祠用

三牲大官飾珍饌作倡樂以求福祥也在位二十一年

崩年三十六

### 孝靈皇帝

建寧元年帝到夏門外萬壽亭羣臣謁見

案此帝由解瀆亭侯迎入

繼統初到改范書帝紀實是在是年正月己亥次日庚子即位改元建寧

二年故太僕杜密故長樂少府李膺各為鉤黨尚書白

下本州考治時上年十三問諸常侍曰何鉤黨諸常侍

對曰鉤黨人即黨人也即可其奏

熹平元年會稽許昭聚眾自稱大將軍立父生為越王

攻破郡縣

二年陳行相師遷奏沛相魏愔前為陳相與陳王寵交

通

四年使中郎將堂谿典請雨因上言復崇高山爲嵩高山

光和元年有白衣人入德陽殿門言梁伯夏教我上殿與中黃門桓賢語因忽不見有黑氣墮所御溫明殿庭中如車蓋隆起奮迅五色有頭體長十餘丈形貌似龍四年初置駮驥殿丞領受郡國調馬郡國上芝莢五年帝起四百尺觀于阿亭道中平二年造萬金堂于西園

三年又造南宮玉堂築廣成苑鑄黃鐘二千斛懸于嘉德端門內

東觀漢記卷三

東觀漢記卷四

年表 案本書年表體例全祖班書劉知幾史通所列篇目可據今惟百官表略存餘四篇並闕

百官表

太尉掌邦 案此中 冊皇太子捧上其璽綬

司空唐虞之官也金印紫綬

竇憲作大將軍置長史司馬員吏官屬位次太傅 案司馬彪

百官志長史司馬皆一人千石 大將軍出征置中護軍一人其將軍不

常置 案司馬彪百官志將軍掌征伐背叛 比公者又有

驃騎將軍 案司馬彪百官志注比公者四第一大將軍 驃騎將軍次衛將軍

東觀漢記

武二十年復置驃騎將軍位次公案司馬彪百官志明帝以東平王宇為驃

騎將軍以王有長史一人案將軍長史皆千石度遼將軍司馬二

人案司馬彪百官志明帝初置度遼將軍劉昭注引應劭漢官儀曰度遼將軍秩二千石長史司馬六百石

章帝又置祝令丞延光元年省案此太常官屬

大鴻臚漢舊官建武元年復置案司馬彪百官志明大鴻臚卿一人中二千石

屬官有丞一人案司馬彪百官志明大行丞一人大行丞一人案司馬

志大行令一人案司馬彪百官志明大行丞一人大行丞有治禮員四十七人案治禮員

郎治禮主齋祠儻贊九賓之禮又有公室主稊中都官斗

食以下功次相補鴻臚三十六人其陳寵左雄朱寵龐

參施延並遷公

其主藁無子置傳一人守其家案司馬彪百官志明諸公主每主家命一人六百

石丞一人三百石此宗正官屬

桓帝延熹元年三月己酉置鴻德苑置令秩六百石案此

少府官屬

州牧刺史漢舊官建武元年復置牧十八年改為刺史

督二千石交趾刺史持節案司馬彪百官志明外十有二州每州刺史一人六百石彪

自注曰刺史常以八月巡行所部郡國錄囚徒攻殿最放諸州刺史皆不持節而交趾獨持節以所部絕遠故

重其事權也以上州部官

其紹封削絀者中尉內史官屬亦以率減案司馬彪百

印綬漢制公侯紫綬九卿青綬建武元年復設諸侯王

二千石大長秋將作大匠度遼諸將軍郡太守國傅相

皆秩二千石校尉中郎將諸郡都尉諸國行相中尉內

史中護軍司直案司馬彪百官志注世祖即位以武帝

秩皆比二千石以上皆銀印青綬中外官尚書

令御史中丞治書侍御史案司馬彪百官志治書公將

軍長史中二千石丞案司馬彪百官志凡中二正平諸

司馬中官王家僕雜陽令秩皆千石尚書中謁者案司

六百石謁者三人四百石此文疑有脫字黃門冗從四

僕射案司馬彪百官志少府屬有中黃門冗從僕射一

秩皆六百石諸都監中外諸都官令都候司馬彪

各一人六百石司農部丞郡國長史丞案司馬彪百官

六百石雜陽市長秩四百石主家長秩皆四百石以上

皆銅印黑綬諸署長楫權丞秩三百石諸秩千石者其

丞當邊戍者候司馬千八秩皆六百石家令侍僕秩皆

丞尉皆秩四百石秩六百石者丞尉秩三百石四百石者其丞尉秩二百石縣國丞尉亦如之縣國三百石長丞尉亦二百石明堂靈臺丞諸陵校長秩二百石丞尉校長以上皆銅印黃綬縣國守宮令相或千石或六百石長或四百石或三百石長相皆以銅印黃綬而有秩者案司馬彪百官志每縣邑道大者置令一人千石其次置長四百石小者置長三百石侯國之相秩如之侍中中常侍光祿大夫秩皆二千石案司馬彪百官志侍中光祿大夫皆比二千石中常侍本千石後增比二千石與此異大中大夫秩皆比二千石諫議大夫侍御史博士皆六百石議郎中謁者秩皆

比六百石

案司馬彪百官志議郎六百石與此異中謁者已見前稱秩六百石此謂比六百石尤自

相違

小黃門黃門侍郎中黃門秩皆比四百石

案司馬彪百官

志小黃門侍郎皆六百石中黃門比百石後增比三百石

郎中秩皆比三百石太子

舍人秩二百石

案劉知幾史通謂此表為崔寔曹壽延篤所作今與司馬彪百官志參攷文多

不同如志云諸侯王赤綬而此云纁綬又如王國內史上林相權丞係西漢官名東漢都從裁省丞相司直亦于建武十八年省去而篇中具列之蓋司馬彪之志本則述建武承平間舊制也

諸王表

王子侯表

功臣表

恩澤侯表

案以上四篇全關今存其目

東觀漢記卷四

東觀漢記卷五

志

案本書八志以劉知幾史通及范書李賢注所引蔡邕集為據今惟地理等六篇略存餘二篇並闕

地理志

蕭何墓在長陵東司馬門道北百步

案長陵屬京兆尹

霍光墓

在茂陵東司馬門道南四里

案茂陵屬右扶風以上司隸校尉所屬

蛇丘有芳陘山

案蛇丘縣屬濟北國

東緡縣名屬山陽郡

案以上兗州刺史部所屬

西海有勝山

案西海縣屬瑯琊國上徐州刺史部所屬

秦時改為太末

案太末縣屬會稽郡此句之上當有關文攷司馬彪郡國志劉昭注太末左傳



茂謂姑有龍丘山在東有九石特秀色丹遠望如蓮華其

之隱處有一巖穴如窻牖中有石牀可寢處司馬彪

昭注引東陽記一條文與此同又云巖前有一桃樹其實甚甘非山中自有莫知誰

建安二十年復置漢寧郡分漢中之安陽西城司馬彪

志劉昭注西城下曰巴漢志云漢末以為西城郡不言屬漢寧又分錫上庸為上庸郡

置都尉案以上益州刺史部所屬

安帝即位之年分高顯侯城遼陽屬玄菟司馬彪

三縣本屬遼東郡以

九真俗燒草種田案司馬彪郡國志九真郡統縣五曰西卷朱吾盧容象林比景以上交趾

刺史部所屬

永興元年鄉三千六百八十一亭萬二千四百四十三

律歷志

凡律所革以變律呂相生至六十

禮志

漢承秦滅學庶事草創明堂辟雍闕而未舉武帝封禪

始立明堂于泰山案歐陽詢藝文類聚作孝武封岱宗立明堂于泰山汶上狶不于

京師元始中王莽輔政乃起明堂辟雍

樂志

漢樂四品一曰大予樂典郊廟上陵殿諸食舉之樂郊樂易所謂先王以作樂崇德殷薦上帝周官若樂六變則天神皆降可得而禮也宗廟樂虞書所謂琴瑟以詠祖考來假詩云肅雍和鳴先祖是聽食舉樂王制謂天子食舉以樂周官王大食則命奏鐘鼓二曰周頌雅樂典辟雍饗射六宗社稷之樂辟雍饗射孝經所謂移風易俗莫善于樂禮記曰揖讓而治天下者禮樂之謂也社稷所謂琴瑟擊鼓以御田祖者也禮記曰夫樂施于金石越于聲音用乎宗廟社稷繫乎山川鬼神此之謂

也三曰黃門鼓吹天子所以宴樂羣臣詩所謂坎坎鼓我蹲蹲舞我者也其短簫饒歌軍樂也其傳曰黃帝岐伯所作以建威揚德風勸士也蓋周官所謂王大獻則令凱樂軍大獻則令凱歌也孝章皇帝親著歌詩四章列在食舉又制雲臺十二門詩各以其月祀而奏之熹平四年正月中出雲臺十二門新詩下大予樂官習誦彼聲與舊詩並行者皆當撰錄以成樂志國家離亂大屢未安黃門舊有鼓吹今宜罷去

郊祀志

建武三十年太尉趙熹上言曰自古帝王每世之隆未嘗不封禪陛下聖德洋溢順天行誅撥亂中興作民父母修復宗廟救萬性命黎庶賴福海內清平功成治定羣司禮官咸以為宜登封告成為民報德百王所同當仁不讓宜登封岱宗正三雍之禮以明靈契望秩羣神以承天心

案司馬彪祭祀志載光武詔書云即位三十年百姓怨氣滿腹吾誰欺欺天乎曾謂泰山不如林放何事汗七十二代之編錄桓公欲封管仲非之若郡縣遠遣吏上壽盛稱虛美必覺兼令屯田從此羣臣不敢復言

三十二年案是年改元中元元年羣臣奏言登封告成為民報德

百王所同陛下輒拒絕不許臣下不敢頌功述德業謹

按河雒讖書赤漢九世當巡封泰山凡三十六事傳奏

左惟陛下遂以仲月令辰遵岱嶽之正禮奉圖雒之明

文以和靈瑞以為兆民上曰至泰山乃復議國家德薄

災異仍至圖讖蓋如此案司馬彪祭祀志三十二年正月

劉之九會命岱宗不慎克用何益于承誠善用之姦偽不萌感此文乃詔松等復案索河雒讖文言九世封禪

事者松等列上東巡狩至泰山有司復奏河雒圖記表奏乃許焉

章赤漢九世尤著明者前後凡三十六事與博士充等

議以為殷統未絕黎庶繼命高宗久勞猶為中興武王

因父受命之列據三代郊天

案二句疑有脫誤

因孔子甚美其

功後世謂之聖王漢統中絕王莽盜位一民莫非其臣

尺土靡不其有宗廟不祀十有八年陛下無十室之資

奮振于匹夫除殘去賊興復祖宗集就天下海內治平

夷狄慕義功德盛于高宗宣王宜封禪為百姓祈福請

親定刻石紀號文太常奏儀制詔曰在昔小白欲封夷

吾難之季氏欲旅仲尼非焉蓋齊諸侯季氏大夫皆無

事于泰山今予末小子巡祭封禪德薄而任重一則以

喜一則以懼喜于得承鴻業帝堯善及子孫之餘賞蓋

應圖錄當得是懼于過差執德不弘信道不篤為議者

所誘進後世知吾罪深矣

案范書光武紀中元元年二月已卯幸魯進幸泰山辛卯

柴望岱宗登封泰山甲午禪于梁父攷司馬彪祭祀志辛卯二十日甲午二十五日也封禪其玉

牒文秘天子事也

案以上封禪

明帝宗祀五帝于明堂光武皇帝配之

案司馬彪祭祀志永平二年始

行此禮以上明堂

孝成時匡衡奏立北郊復祠六宗至建武都雒陽制郊

祀六宗廢不血食大臣上疏謂宜復舊上從公卿議由

是遂祭六宗

案司馬彪祭祀志安帝元初六年以尚書歐陽家說謂六宗者在天地四方之中為

上下四方之宗三月庚辰初更立六宗祠于雒陽西北  
 戌亥之地祀此大社劉昭注引李氏家書云司空李邵  
 侍祠不見六宗祠奏曰尚書肆類于上帝禋于六宗六  
 宗上不及天下不及地旁不尸四方在六合之中助陰  
 陽化成萬物漢初甘泉汾陰祀天地亦禋六宗孝成時  
 匡衡奏復南北郊祀復祀六宗及王莽謂六宗即易之  
 子建武制祀六宗廢不血食宜復舊制詔下公卿議議  
 可者三十六人議不可者二十四人上從卻議以上六  
 宗

章帝元和二年詔曰經稱秩元祀咸秩無文祭法功施  
 于民則祀之以死勤事則祀之以勞定國則祀之能禦  
 大災則祀之以日月星辰民所瞻仰也山林川谷丘陵  
 民所取財用也非此族也不在祀典傳曰聖王先成民

而後致力于神又曰山川之神則水旱癘疫之災于是  
 乎禋之日月星辰之神則雪霜風雨之不時于是乎禋  
 之孝文十二年令曰比年五穀不登欲有以增諸神之  
 祀王制曰山川神祇有不舉者為不敬今恐山川百神  
 應典祀者尚未盡秩其議增修羣祀宜享祀者以祈豐  
 年以致嘉福以蕃兆民詩不云乎懷柔百神及河喬嶽  
 有年報功不私幸望豈嫌同辭其義一焉

案是時章帝將東巡狩故

有是詔以上羣祀

永平三年八月丁卯公卿奏議世祖廟登歌八佾舞功

名疑功字東平王蒼議以爲漢制舊典宗廟各奏其樂不皆相襲以明功德泰爲無道殘賊百姓高皇帝受命誅暴元元各得其所萬國咸熙作武德之舞孝文皇帝躬行節儉除誹謗去肉刑澤施四海孝景皇帝制昭德之舞孝武皇帝功德茂盛威震海外開地置郡傳之無窮孝宣皇帝制盛德之舞光武皇帝受命中興撥亂反正武暢方外震服百蠻戎狄奉貢宇內治平登封告成脩建三雍肅穆典祀功德巍巍比隆前代以兵平亂武功盛大歌所以詠德舞所以象功世祖廟樂名宣曰大

武之舞元命包曰緣天地之所雜樂爲之文典文王之時民樂其興師征伐而詩人稱其武功樞機鈴曰有帝漢出德洽作樂各與虞韶禹夏湯濩周武無異不宜以名舞叶圖徵曰大樂必易詩傳曰頌言成也一章成篇宜列德故登歌清廟一章也漢書曰百官頌所登御者一章十四句依書文始五行武德昭德盛德修之舞節損益前後之宜六十四節爲武曲副八佾之數十月烝祭始御用其文始五行之舞如故勿進武德舞歌詩曰於穆世廟肅雍顯清俊又翼翼秉文之成越序上帝駿

奔來寧建立三雍封禪泰山章明圖讖放唐之文休矣

惟德罔射協同本支百世永保厥功詔書曰驃騎將軍

議可進武德之舞如故案司馬彪祭祀志劉昭注引蔡邕表志云孝明立世祖廟以明

再受命祖有功之義後嗣遵儉不復改立皆藏主其中

聖明所制一王之法也自執事之吏下至學士莫能知

其所所以兩廟之意誠宜具錄本事建武乙未元和丙

寅詔書下宗廟儀及齋令宜入郊祀志永為典式

章帝初卽位賜東平憲王蒼書曰朕夙夜伏思念先帝

躬履九德對于八政勞謙克己終始之度比放三宗誠

有其美今迫遺詔誠不起寢廟臣子悲結僉以為雖于

更衣猶宜有所宗之號以克配功德宗廟至重朕幼無

知寤寐憂懼先帝每有著述典義之事未嘗不延問王

以定厥中願王悉明處乃敢安之公卿議駁今皆并送

及有可以持危扶顛宜勿隱思有所承公無困我太尉

憲等奏禮祖有功宗有德孝明皇帝功德茂盛宜上尊

號曰顯宗四時祫食于世祖廟如孝文皇帝在高廟之

禮奏武德文始五行之舞蒼上言昔者孝文廟樂曰昭

德之舞孝武廟樂曰盛德之舞今皆祫食于高廟昭德

盛德之舞不進與高廟同樂今孝明皇帝主在世祖廟

當同樂盛德之樂無所施如自立廟當作舞樂者不當

與世祖廟盛德之舞同名

案前文東平王蒼請名世祖廟舞為大武詔仍進武德之

舞無盛德舞之名此句疑有訛舛

即不改作舞樂當進武德之舞臣愚

愆鄙陋廟堂之論誠非所當聞所宜言陛下體純德之妙奮至謙之意猥歸美于載列之臣故不敢隱蔽愚情披露腹心誠知愚鄙之言不可以向仰四門賓于之議伏惟陛下以至德當成康之隆天下又安刑措之時也陛下盛歌元首之德股肱貞良庶事寧康臣欽仰聖化嘉羨盛德危顛之備非所宜稱上復報曰有司奏上尊號曰顯宗藏主更衣不敢違詔給食世祖廟樂皆如王

議以正月十八日始祠仰見榱桷俯視几筵眇眇小子

哀懼戰慄無所奉承愛而勞之所望于王也

案范書明帝紀帝遺

詔無起寢廟藏主于光烈皇后更衣別室又章帝紀帝即立有司奏言孝明帝聖德淳茂宜尊廟曰顯宗其四

德之舞如孝文皇帝祫祭高廟故事制日可

建初四年八月上以公卿所奏明德皇后在世祖廟坐

位駁議示東平憲王蒼蒼上言文武宣元給食高廟皆

以后配先帝所制典法設張大雅曰昭茲來許繩其祖

武又曰不愆不忘率由舊章明德皇后宜配孝明皇帝

東觀漢記

卷五

九



祭祀志劉昭注引謝沉書一段與此同未  
有與世祖廟同席而供饌句尤為完密

永初六年皇太后入宗廟于世祖廟與皇帝交獻薦如

光烈皇后故事案此和熹鄧皇后也攷范書安  
帝紀在永初七年以上宗廟

### 車服志

天子行有畢罕

永平二年正月公卿議舉南北郊東平王蒼議曰孔子

曰行夏之時乘殷之輅服周之冕為漢制法高皇帝始

受命創業制長冠以入宗廟光武受命中興建明堂立

辟雍陛下以聖明奉遵以禮服龍袞祭五帝禮缺樂崩

久無祭天地冕服之制案尊事神祇潔齋盛服敬之至

也日月星辰山龍華藻天王袞冕十有二旒以則天數

旒有龍章日月以備其文今祭明堂宗廟圓以法天方

以則地服以華文象其物宜以降神明肅雝備思博其

類也天地之祀冕冠裳衣宜如明堂之制案司馬彪輿  
服志漢承秦

故郊祀之服皆以禘立至顯宗初服旒冕衣裳  
文章赤舄絢履以祠天地其議實自東平發之

武冠俗謂之大冠案司馬彪輿服志武冠環纓無鞋以  
青系為緄加雙鷓尾豎左右亦名鷓

冠五中將羽林左右  
監虎賁武騎皆冠之

貴人相國綺綬三采綠紫白案司馬彪輿服  
志作綠紫紺純綠圭公

卿將軍紫綬二采紫白純紫圭公主封君同九卿中二

千石青綬三采青白紅純青圭千石六百石黑綬二采

青紺案司馬彪輿服志作三采青赤紺純青圭四百三百二百石黃綬

純黃圭一采百石青紺綬一采宛轉繆織

孝明帝作螭珠之佩以郊祀天地案以上皆志冠服其車輿闕

朝會志

天文志案此二篇全闕今存其目

東觀漢記卷五

東觀漢記卷六

列傳一外戚

光烈陰皇后

有陰子公者生子方方生幼公公生君孟名睦卽后之父也初光武適新野聞陰后美心悅之後至長安見執金吾車騎甚盛因歎曰仕宦當作執金吾娶妻當得陰麗華更始元年遂納后于宛上卽位立爲貴人上以后性賢仁宜母天下欲授以尊位后輒退讓自陳不足以當大位

案范書后紀建武二年以后固辭尊位遂立郭后至十七年乃廢郭后而立后

明德馬皇后

明德皇后嘗久病至卜者家為卦問咎祟所在卜者卦定釋著仰天歎問之卜者乃曰此女雖年少後必將貴遂為帝妃不可言也后長七尺二寸青白色方口美髮為四起大髻但以髮成尚有餘繞髻三匝眉不施黛獨左眉角小缺補之如粟常稱疾而終身得意永平三年有司奏立長秋宮以率八妾上未有所言皇太后曰馬貴人德冠後宮遂登至尊先是數日夢有小飛蟲萬數隨著身入皮膚中復飛去既處椒房大官止食重加幕

覆輒撤去不喜出入遊觀希嘗臨御牕望袍極麤疏諸主朝望見反以為綺后曰此繒染色好故直用之后嘗有不安時在敬法殿東廂上令太夫人及兄弟得入見后志在克己輔上不以私家干朝廷兄為虎賁中郎將為黃門郎詔永平世不遷以上明帝時事時上欲封諸舅外

間白太后太后曰吾自念親屬皆無柱石之功俗語曰時無赭澆黃土因詔曰吾萬乘之主身衣大練縑裙食不求所甘左右旁人皆無薰香之飾前過濯龍門見外家問起居車如流水馬如游龍亦不譴怒但絕歲用冀

以默止謹耳

案此下章帝時事

及上欲封諸舅太后輒斷絕曰

吾計之熟矣勿有疑也至孝之行安親為上今遭變異

穀價數倍憂惶晝夜不安坐卧而欲封爵違逆慈母之

拳拳吾素剛急有胸中氣不可不慎懷歲之後惟子之

志吾但當含飴弄孫不能復知政事太后素謹慎小感

慨輒自責如平生事舅姑時新平主家御者失火及北

閣後殿深以自過起居不欣至正月當上原陵言我守

備不精慙見原陵不上太后置蠶室織室于濯龍中數

往來觀視以為娛樂廣平鉅鹿樂成王在邸入朝問起

居上望見車騎鞍勒皆純黑無金銀采飾馬不踰六尺

于是白太后即賜錢各五百萬太后詔書流布咸稱至

德莫敢犯禁

### 敬隱宋皇后

敬隱宋后

案范書安帝紀建光元年追尊祖妣宋貴人為敬隱皇后

以王莽末年生

遭世倉卒其母不舉棄之南山下時天寒冬十一月再

宿不死外家出過于道南聞有兒啼聲憐之因往就視

有飛鳥紆翼覆之沙石滿其口鼻能喘心怪偉之以有

神靈遂取而持歸養長至年十三歲乃以歸宋氏

案范書清

河孝王慶傳后宋昌八世孫父揚母王氏永平末入太子宮其有寵肅宗即位為貴人生慶立為皇太子慶旋以讒廢貴人自殺後殤帝崩時寶皇后內寵方盛以貴人名族節操高妙心內害之欲為萬世長計陰設方畧譏毀貴人由是母子見疏數月誣奏貴人使婢為蠱道祝詛七年遂被譖暴卒

### 孝和陰皇后

孝和陰皇后聰慧敏達有才能善史書永元二年選入掖庭為貴人託以先后近屬故有寵

### 和熹鄧皇后

后年五歲太夫人為剪髮夫人年高目冥并中后額雖痛忍不言一額盡傷左右怪而問之后言夫人哀我為斷髮難傷老人意故忍之耳六歲諸兄持后髮后曰身體髮膚受之父母不敢毀傷孝之始也奈何弄人髮乎七歲讀論語志在書傳母常非之曰當習女工今不是務寧當學博士耶后重違母意晝則縫紉夜私買脂燭讀經傳宗族外內皆號曰諸生嘗夢捫天體蕩蕩正青滑有若鍾乳后仰喻之以訊占夢言堯夢攀天而上湯夢及天舐之此皆聖王之夢吉不可言

范書后紀后以永元入阼

選入掖庭為貴人后遜位手書謝表深陳德薄不足以奉宗廟

充小君之位范書后紀永元十四年陰后以巫蠱事廢后請救不能得愈稱篤疾深自閉絕至

冬立為皇后辭讓者三然太后賜馮貴人步搖一具案

後即位以上和帝時事書后紀和帝葬後宮人並歸園故后有是賜時新遭大憂法禁未設宮中亡

大珠一篋主名不立念欲考問必有不辜太后乃親自

臨見宮人一一問閤察其顏色開示恩信宮人盜者即

時首服不加鞭箠不敢隱情宮人驚咸稱神明太后臨

朝萬國貢獻悉令禁絕歲時但貢紙墨而已上林鷹犬

悉斥放之案以上殤帝永初二年案此下安三月京師延平元年事

旱至五月朔太后幸洛陽寺省庶獄舉冤囚杜冷不殺人自誣被掠羸困便輿見畏吏不敢自理吏將去微疾舉頸若欲有言太后察視覺之即呼還問狀遂得申理

即時收令下獄抵罪尹左遷行未還宮澍雨大降太后雅性不好淫祀嘗不安左右憂惶至令禱祠願以身代

牲太后聞之甚怒即敕令禁止以為何故乃有此不祥之言左右咸流涕嘆息曰太后臨大病不自顧而念兆

民後病遂瘳豈非天地之應歟太后自遭大憂及新野君仍喪諸兄常悲傷思慕羸瘦骨立不能自勝案范書后紀后

東晉書  
以永寧二年三月崩

### 順烈梁皇后

永建三年春三月丙申選入掖庭相工茅通見之茅

陽詢藝類 豐然驚駭卻再拜賀曰此謂日角作月相

之極貴臣所未嘗見也太史卜之兆得壽房又筮之得

坤之比順帝陽嘉元年立為皇后是時自冬至春不雨

立后之日嘉澍沾渥

### 竇貴人

竇章女年十二能屬文以才貌選掖庭有寵與梁皇后

並為貴人早卒帝追思之詔史官樹碑頌德帝自為之

詞范書竇章傳及太平御覽帝並作章

### 孝崇優皇后

申貴人生孝穆皇案孝穆皇即章帝子河間孝王開也

尊河間孝王為孝穆皇 趙夫人生孝崇皇優夫人生桓帝

帝既立追諡趙夫人為穆皇后優夫人為博園貴人和

平元年桓帝詔曰博園優貴人履高明之懿德資淑美

之嘉會與天合靈篤生朕躬欲報之德詩所感歎今以

貴人為孝崇皇后

孝桓帝鄧皇后

孝桓帝鄧后字猛范書后紀父香早死母宣改嫁為

掖庭民梁紀妻紀者襄成縣君孫壽之舅也壽引進令

入掖庭得寵為貴人故冒姓為梁氏

東觀漢記卷六

東觀漢記卷七

列傳二 宗室

齊武王縯

縯字伯升縯光武兄攷范書本傳及太平御覽各書俱稱伯升當是以字行伯升進圍

宛莽素震其名大懼使畫伯升像于墀旦起射之平陵

後部攻新野不下宰潘臨登城言曰得司徒劉公一言

願先下及伯升軍至即開門降伯升作攻城圖車上曰

地車不可用誰當獨居此上者伯升曰此兵法也上曰

兵法但有所圖畫者實不可用伯升遂作之後有司馬



犯軍令當斬坐鬪車上更始遂共謀誅伯升

關文攷范

書本傳伯升拔宛光武破王尋王邑自是兄弟威名益盛更始君臣不自安遂共謀誅伯升乃大會

諸將以成其計更始取伯升寶劍視之繡衣御史申屠

建隨獻玉玦更始竟不能發伯升部將宗人劉稷數陷

陣潰圍勇冠三軍聞更始立怒曰本起兵圖大事者伯

升兄弟更始何為者更始聞而心忌之以稷為抗威將

軍稷不肯拜更始乃收稷將誅之伯升固爭并執伯升

即日害之有二子建武二年立長子章為太原王興為

魯王十三年徙章為齊王十五年追諡伯升為齊武王

章少孤光武感伯升功業不就撫育恩養甚篤以其少

貴欲令親吏事故試守平陰令

北海靖王興

興遷弘農太守

案興續子范書本傳興初封魯王建武二十八年徙封北海王

縣吏張

申有伏罪興收申案論郡中震慄時年早分遣文學循

行屬縣理冤獄宥小過應時甘雨澍降每朝廷有異政

京師雨澤秋稼好醜輒驛馬下問興其見親重如此

北海敬王睦

北海敬王睦

案睦興子

顯宗之在東宮尤見幸而睦謙恭好

士名儒宿德莫不造門

案姚之駟本作時法網尚疏睦好士夙夜滋恭通賓客千里人

民土地財賄結歡由是宿德名儒造門者陸沈

永平中法憲頗峻睦乃謝絕賓

客放心音樂歲終遣中大夫奉璧朝賀召而謂曰朝廷

設問寡人大夫將何辭以對使者曰大王忠孝慈仁敬

賢樂士臣雖螻蟻敢不以實睦曰吁子危我哉是吾幼

時狂憊之行也

范書本傳

大夫其對以孤襲爵以來

志意衰惰聲色是娛犬馬是好使者受命而行睦善草

書臨病明帝驛馬令作草書尺牘十首焉

### 趙孝王良

光武初起兵良搏手大呼曰我欲詣納言嚴將軍叱上

起去出閣令人視之還白方坐啗脯良復謹呼上言不

可謹露明旦欲去前白良曰欲竟何時詣嚴將軍所良

意下曰我為詐汝耳當復何苦乎

良光武叔父范書本傳良字次伯初封

廣陽王建武五年徙為趙王裔孫乾嗣位私出國到魏郡鄴易陽止

宿亭令奴金盜取亭席金與亭佐孟常爭言以刃傷常

部吏追逐乾藏逃金絞殺之懸其尸道邊樹相國舉奏

詔書削中丘縣

弘

弘案弘光武族諸父行史字孺孫先起義兵卒

梁

梁案弘弟字季少病筋攣卒

城陽恭王社

城陽恭王初名終後改為社案社光武族兄范父敞敞

曾祖節侯買以長沙定王子封于零道之春陵為侯敞

父仁嗣侯案李善文選注節侯生戴侯以春陵地勢下

濕有山林毒氣難以久處于時見戶四百七十六上書

求減邑內徙留子男昌守墳墓元帝許之初元四年徙

南陽之白水鄉猶以春陵為國名仁卒敞謙儉好義推

父時金寶財產與昆弟荊州刺史上其義行拜廬江都

尉歲餘遭旱行縣人持枯稻自言稻皆枯吏強責租敞

應曰太守事也載枯稻至太守所酒數行以語太守太

守曰無有敞以枯稻示之太守曰都尉事也敞怒叱太

守曰鼠子何敢爾刺史舉奏莽徵到長安免就國敞為

嫡子終案終即娶翟宣子女習為妻宣使嫡子姬送女

入門二十餘日宣弟義起兵攻莽社以建武二年三月

見光武于懷宮案范書本傳社建

東海恭王彊

以下光諸子

東海恭王彊光武皇帝長子也母郭氏建武二年六月立為皇太子十七年十月郭后廢為中山太后自郭后廢彊不自安因左右陳誠願備藩輔十九年六月彊廢為東海王二十八年十月就國王兼食東海魯國二郡二十九縣租入倍諸土賞賜恩寵絕於倫比置虎賁鬣頭宮殿設鐘簴之懸擬于乘輿彊性明達恭謹臨之國數上書讓還東海十九縣又因皇太子固辭上不許以彊章宣示公卿大夫甚嘉歎之彊薨明帝發魯相所上

檄下牀伏地舉聲盡哀至長樂宮白太后因出幸津門亭發喪追念彊雅性恭儉不欲令厚葬以違其意詔中常侍杜岑東海傅相曰王恭遜好禮以德自終勅官屬遣送務行約省茅車瓦器以成王志王孫頃王肅性謙儉永初中以西羌未平上錢二千萬元初中上織萬匹以助國費

沛獻王輔

沛獻王輔善京氏易永平五年秋京師少雨上御雲臺召尚席取卦具自為卦以周易卦林卜之其繇曰蟻封

穴戶大雨將集明日大雨上卽以詔書問輔曰道豈有是耶輔上書曰案易卦震之蹇蟻封穴戶大雨將集蹇艮下坎上艮爲山坎爲水山出雲爲雨蟻穴居而知雨將雲雨蟻封穴故以蟻爲興文詔報曰善哉王次序之沛王楚王來朝就國明帝告諸王傅相王之子年五歲以上皆命帶列侯綬復送綬十九枚爲諸子在道欲急帶之也王性好經書論集經傳圖識作五經通論奉以至於沒身遵履法度未嘗犯禁稱爲賢王

案范書本傳

翊公進封中山王建武二十年徙封沛王

楚王英

楚王英 案范書本傳英初封楚公建武十七年進爲王永平十四年謀反自殺國除 奉送黃

縑三十五匹白純五匹入贖楚相以聞詔書還入贖縑

純以助伊蒲塞桑門之盛饌 案范書本傳永平八年詔令天下死罪皆入贖贖古

英奉縑純贖罪

濟南安王康

濟南安王康 案范書本傳康初封濟南公建武十七年進爲王 多殖財貨大修

宮室起內第奴婢至千四百人廩馬千二百匹私田八

百頃奢侈恣欲游觀無節

東平憲王蒼

東平王蒼

案范書本傳蒼初封東平公建武十七年進為王

少好經書雅有智

慧少有孝友之質寬仁弘雅明帝卽位詔曰東平王蒼寬博有謀可以託六尺之孤臨大節而不可奪其以蒼為驃騎將軍位在三公上是時四方無虞蒼以天下化平宜修禮樂乃與公卿共議定南北郊冠冕車服制度及祖廟登歌八佾舞數蒼以親輔政盡心王室每有議事上未嘗不見從名稱曰重蒼開東閣延英雄上書表薦賢士左馮翊桓虞等虛己禮下與參政事上愛重蒼

嘗問蒼曰在家何業最樂蒼對曰為善最樂上嗟歎之蒼與諸王朝京師月餘還上臨送歸宮悽然懷思乃遣使手詔諸國曰辭別之後獨坐不樂因就車歸伏軾而吟瞻望永懷實勞我心誦及采菽以增歎息詔問東平王處家何等最樂王對曰為善最樂其言甚大副其要腹蒼體大美鬚眉要帶八尺二寸上以所自作光武皇帝本紀示蒼蒼因上世祖受命中興頌上甚善之以問校書郎此與誰等皆言類揚雄相如前世史岑之比章帝建初三年賜蒼書曰歲月驚邁山陵浸遠孤心慘愴

饗衛士于南宮因過按行閱視皇太后舊時衣物惟王  
 孝友之德今以光烈皇后假髻帛巾各一衣一篋遺王  
 可時瞻視以慰凱風寒泉之思今魯國孔氏尚有仲尼  
 車與冠履明德盛者光靈遠也聞武帝歌天馬洽赤汗  
 今親見其然血從前髀上小孔中出案范書本傳并遺宛馬一匹故賜書  
 及此上下文闕四年蒼上疏願朝上以王觸寒涉道使中謁者  
 賜乘輿貂裘蒼到洛陽使鴻臚持節郊迎引入不在贊  
 拜之位升殿乃拜上親答拜蒼上疏曰事過典故諸王  
 歸國上特留蒼賜以秘書列圖道術秘方至八月飲酎

畢大鴻臚奏遣發乃許之手詔賜蒼曰骨肉天性誠不  
 以遠近親疎然數見顏色情重昔時中心戀戀惻然不  
 能言於是車駕祖送流涕而訣復賜乘輿服御珍寶鞍  
 馬錢布以億萬計蒼到國後病水氣喘逆上遣太醫丞  
 相視之小黃門侍疾置驛馬傳起居以千里為程案范書本  
傳薨于建初八年蒼葬上詔有司加贈鑾輅乘馬龍旂九旒虎  
 賁百人上幸東平祭東平王墓云思其人到其鄉其處  
 在其人亡

阜陵賈王延

阜陵質王延案范書本傳延初封淮陽公在國驕泰淫

洪

廣陵思王荆

廣陵王荆案范書本傳荆初封山陽公自殺案范書明

傳此永平十年事時有司以荆悖逆祝詛請誅故也

中山簡王焉

焉案范書本傳焉初封左馮翊公進以郭太后少子獨

指京師

琅邪孝王京

京案范書本傳京初封琅邪就國都雅好宮

室窮極技巧壁帶珠玉案虞世南北堂書飾以金銀光

烈皇后崩明帝悉以太后所遺金寶賜京

彭城靖王恭

永平九年恭未有國邑賜號靈壽王案范書本傳恭初

遺詔徙封彭城王案范書本傳李子訥侮慢丁小妻恭怒閉訥馬廄訥亡夜詣彭城縣欲

上書恭遣從官蒼頭曉令歸數責之乃自殺元初五年

封恭少子丙為都鄉侯國為安鄉侯丁為魯陽鄉侯本

江陵六安章帝崩

遺詔徙封彭城王

案范書本傳恭初封琅邪

案范書本傳李賢注無妻字



初元年封恭孫據卞亭侯光昭陽亭侯周公梁亭侯興  
蒲亭侯延昌城亭侯祀梁父亭侯堅西安亭侯代林亭  
侯

樂成靖王黨

樂成靖王黨案范書本傳黨初賜號重熹善史書熹正

文字

樂成王萇案范書黨傳黨傳國至其孫而絕安

安帝詔曰樂成王居諒闇衰服在身彈棊為戲不肯謁

陵

下邳惠王衍

和帝賜彭城靖王詔曰皇帝問彭城王始夏無恙蓋聞

堯舜九族萬國協和書典之所美也下邳王案范書本

傳永平十五年被病沈滯之疾昏亂不明家用不寧姬妾嫡庶諸

子分爭紛紛至今前太子邛頑凶失道陷于大辟是後

諸子更相誣告迄今嫡嗣未知所定朕甚傷之惟王與

下邳王恩義至親正此國嗣非王而誰禮重嫡庶之序

春秋之義大居正孔子曰惟仁者能好人能惡人貴仁

者所好惡得其中也太子國之儲嗣可不慎與王其差

次下邳諸子可為太子者上名將及景風拜授印綬焉

案范書本傳衍病荒忽而太子卬有罪廢諸姬爭欲立子為嗣連上書相告言和帝憐之使彭城靖王恭至下邳為下其嫡庶故有是

詔後遂立子成為太子

孝德皇

案孝德皇即章帝子清河孝王慶也初為皇太子為寶皇后所譖而廢和帝即位待

慶極渥後慶長子祐入嗣大統是為安帝安帝建光元年追尊為孝德皇

永元四年上移幸北宮章德殿講白虎觀慶得入省宿

正

平原懷土勝

案勝和帝長子

平原王葬

案范書本傳勝少有痼疾延平元年封立八年薨葬于京師

鄧太后悲傷

命史官述其行迹為作傳誄藏于王府

東觀漢記卷七

東觀漢記卷八

列傳三

案本書列傳自外戚宗室外一以時代先後編之畧依官秩崇卑為次而隱逸方技殿焉

鄧禹

鄧禹字仲華南陽人也年十三能誦詩受業長安時光武亦遊學京師禹雖幼而見上知非常人遂相親附更始既至雒陽乃以上為大司馬使安集河北禹聞之自南陽發北徑渡河追至鄴謁上見之甚歡謂曰我得拜除長吏生遠來寧欲仕耶禹曰不願也乃進說曰更始雖都關西今山東未安赤眉青犢之屬動以萬數三輔

假號往往羣聚更始既未有所挫而不自聽斷諸將皆庸人崛起志在財幣爭用威力朝夕自快非有忠良明智深慮遠圖欲尊主安民者也明公雖建蕃輔之功猶恐無所成立于今之計莫如延攬英雄務悅民心立高祖之業救萬民之命以公而慮天下不足定也上大悅因令左右號禹曰鄧將軍常宿止於中與定計議上至廣阿案是時光武因止城門樓上披輿地圖指示禹曰天下郡國如是我乃始得一處卿言天下不足定何也

案此下有闕文攷范書本傳禹對曰方今天下殺亂人思明君猶赤子之慕慈母古之興者在德薄厚不以大

禹破邯鄲誅王郎有智謀諸將鮮及拜前將軍禹為

大司徒案范書本傳赤眉西入關乃拜禹為前將軍討之建武元年光武即位于鄴復使使者封拜禹

制曰前將軍鄧禹深執忠孝與朕謀謨帷幄孔子曰自

吾有回也門人益親可封禹為鄴侯赤眉入長安禹乘

勝獨克而師行有紀皆望風相攜以迎降者日以千數

眾號百萬上以禹不時進救曰司徒堯也赤眉桀也全

長安饑民孰不延望馮愔反禹征之為愔所敗威稍損

又乏食赤眉還入長安禹與戰敗走至高陵軍士饑餓

皆食棗菜案棗菜一作棗上乃徵禹還救曰赤眉無穀

自當來降吾折捶笞之非諸將憂也禹與赤眉戰赤眉  
 陽敗棄輜重走皆載赤豆覆其上兵士饑爭取之赤眉  
 引還擊之軍潰亂時百姓饑人相食黃金一斤易豆五  
 升道路斷閉委輸不至軍士悉以果實為糧吏士散已  
 盡禹獨與二十四騎詣雒陽案范書本傳建武二年更  
 封禹為梁侯至是上大司  
 徒梁侯印綬詔歸侯印綬數月拜  
 右將軍十三年定封為高密侯罷三公右將軍官罷  
 以列侯就第位特進奉朝請篤于經書教學子孫

鄧訓

鄧訓字平叔案訓馬  
第六子謙恕下士無貴賤見之如舊朋友

子往來門內視之如子有過加鞭扑之教太醫皮巡從  
 獵上林還暮宿殿門下寒疝病發時訓直事聞巡聲起  
 往問之巡曰冀得火以熨背訓身至太官門為求火不  
 得乃以口噓其背復呼同廬郎共更噓至朝遂愈永平  
 中治滹沱石臼河從都慮至羊腸倉欲令通漕太原吏  
 民苦轉運所經三百八十九隘前後沒溺死者不可勝  
 算建初三年拜訓謁者監領其事更用驢輦歲省億萬  
 計活徒士數千人訓將黎陽營兵屯漁陽為幽部所歸  
 遷護烏桓校尉黎陽營故吏皆戀慕訓故吏最貧羸者

舉國念訓常所服藥北州少乏又知訓好以青泥封書  
 從黎陽步推鹿車于洛陽市藥還過趙國易陽并載青  
 泥一糶至上谷遺訓其得人心如是吏士嘗大病瘡轉  
 易至數千人訓身為煑湯藥咸得平愈其無妻者為適  
 配偶坐私與梁扈通書免歸燕人思慕為之作歌拜張  
 掖太守以身率下河西改俗鄰郡則之為護羌校尉諸  
 羌皆喜發湟中秦胡羌兵四千人出塞掩擊迷唐于雁  
 谷范書本迷唐乃去既復欲歸故地乃發湟中六千  
傳雁作寫  
 人令長史任尚將之縫革為船置箬上渡河掩擊多所

斬獲羌俗恥病死臨困輒自刺訓令拘持束縛不與兵  
 刃醫藥療之多愈小大莫不感悅訓卒吏人羌胡愛惜  
 旦夕臨者日數千人或以刀自割又刺殺犬馬牛羊曰  
 鄧使君已死我曹亦且俱死耳前烏桓吏士皆奔走道  
 路至空城郭家家為立祠每有疾病輒禱請之求福也

鄧鴻

永平六年鄧鴻鴻禹行車騎將軍位在九卿上絕坐

鄧陟

鄧陟陟訓長子字昭伯三遷虎賁中郎將以延平九

年拜為車騎將軍儀同三司儀同三司始自陟也陟兄弟常居禁中陟謙退不欲久在內連求還第太后乃許殤帝崩惟安帝宜承大統陟定策禁中封陟為上蔡侯增封三千戶讓不獲遂逃避使者間關上疏自陳

鄧悝

鄧悝悝訓字叔昭安帝即位拜悝城門校尉自延平

之初以國新遭大憂故悝兄弟率常在中供養兩宮比上疏自陳愚闇糞朽幸得遭值明盛兄弟充列顯位並待帷幄豫聞政事無拾遺一言之助以補萬分而久在

禁省日月益長罪責日深惟陛下哀憐

鄧弘

鄧弘弘訓字叔紀和熹后兄也天資善學年十五治

歐陽尚書師事劉述常在師門布衣徒行講誦孜孜不輟奴醉擊長壽亭長亭長將詣第白之弘即見亭長賞錢五千勵之曰直健當然異日奴復與宮中衛士忿爭衛士箠奴弘聞又與五千弘收恤故舊無所失父所厚同郡郎中王臨年老貧乏弘常居業給足乞與衣裘輿馬施之終竟弘薨有司復請加諡曰昭成侯發五校輕

車騎士為陳至葬所所施皆如霍光故事皇太后但令門生輓送

鄧閻

鄧閻閻訓第五子字季昭遷黃門侍郎于時國家每有災異

水旱閻側身暴露憂懼顛頓形于顏色公卿以下咸高

尚焉漢興以來為外戚儀表鄧太后報閻曰長歸冥冥

往而不反案范書鄧陟傳閻元初五年卒閻出則陪乘入侍左右忠

言善謀先納聖善匡輔之言案此八字晏殊類要作皆先聖法象臣輔之言朝

夕獻納雖內得于上身在親近不敢自恃兢兢之心彌

以篤固也鄧訓五子女為貴人立為皇后鄧氏自中興

後累世寵貴凡侯者二十九人公二人大將軍以下十

三人中二千石十四人州牧郡守四十八人其餘侍中

大夫郎謁者不可勝數東京莫與為比

鄧豹

鄧豹豹弟字伯庠遷大匠工無虛張之繕徒無饑寒

之色

鄧遵

鄧遵遵弟元初中為度遼將軍討擊羌虜斬首八百



餘級得鎧弩刀矛戰楯七首二三千枚破匈奴得釜鑊  
二三千枚得匕首三千枚詔賜馭犀劍遵破諸羌詔賜  
遵金剛鮮卑緹帶一具虎貫繫囊一金錯刀五十辟把  
刀墨再屈環橫刀金錯屈尺八佩刀各一金蚩尤辟兵  
鉤一

### 吳漢

吳漢字子顏南陽人也更始立使使者韓鴻徇河北或  
謂鴻曰吳子顏奇士也可與計事鴻召見漢甚悅之漢  
爲人質厚少文造次不能以辭語自達鄧禹及諸將多

相薦舉再三召見其後勤勤不離公門上亦以其南陽  
人漸親之上旣破邯鄲誅王郎召鄧禹宿夜語曰欲北  
伐幽州突騎諸將誰可使者禹曰吳漢可漢與禹俱  
客蘇弘弘稱道之禹數與語其人勇鸞有智謀諸將鮮  
能及者上于是以漢爲大將軍漢遂斬幽州牧苗曾上  
以禹爲知人漢性忠厚篤于事上自初從征伐常在左  
右上未安則側足屏息上安然後退舍兵有不利軍營  
不如意漢常獨繕繫弓戟閱具兵馬激揚吏士上時令  
入視吳公何爲還言方作攻具上賞嗟曰吳公差強人

意隱若一敵國矣封廣平侯與蘇茂周建戰躬被甲持

戟告令諸部將曰聞鼓聲皆大呼俱進後至者斬遂鼓

而進賊兵大敗討富平獲索二賊于平原案此建武二年事明

年春賊率五萬餘人夜攻漢營軍中驚亂堅臥不動公

孫述大司馬田戎將兵下江關至南郡據浮橋于江上

漢鋸絕橫橋大破之漢伐蜀分營于水南水北案姚之駟本作

漢使副將武威將軍劉禹將萬餘人屯于江南北營戰不利乃銜枚引兵往合

永南營大破公孫述漢戰敗墮水緣馬尾得出案范書公孫述

傳述散金帛募敢死士使延岑偽挑戰潛遣奇兵襲擊破漢漢戰敗在是時而上下文關漢平成都

乃乘桴沿江下巴郡楊偉徐容等惶恐解散漢當出師

朝受詔夕即引道初無辦嚴之日故能常任職以功名

終嘗出征妻子在後買田業漢還讓之曰軍師在外吏

士不足何多買田宅乎遂以分與昆弟外家漢爵位奉

賜最厚重然但修里宅不起第夫人先死薄葬小墳不

作祠堂恭儉如此漢疾篤車駕親臨問所欲言對曰臣

愚無識知惟願慎無赦而已及薨有司奏議以武為諡

詔特賜諡曰忠侯無後國除案范書本傳漢薨子成嗣至孫旦無子國除建初中

徙封旦弟筑陽侯封為平春侯奉漢後肝卒子勝嗣與此異

賈復

賈復字君文

案范書本傳復南陽冠軍人

治尚書事舞陰李生李生

奇之謂門人曰賈生容貌志意如是而勤于學此將相

之器復為縣掾迎鹽河東會盜賊起等輩欺沒其復

獨完致縣中時上置兩府官屬

案此光武在河北府事

復與孝

共坐孝謂復曰卿將軍督我大司馬督不得共坐復曰

俱劉公吏有何尊卑官屬以復不遜上調官屬補長吏

共白欲以復為部尉上署報不許復以偏將軍東從上

攻邯鄲擊青犢于射犬大戰至日中賊陣堅不却上傳

召復曰吏士饑可且朝食復曰先破之然後食耳于是

被羽先登所向皆靡諸將皆服其勇復北與五校戰于

真定大破之復傷創甚上驚復病尋愈追及上上見大

喜詣雒陽拜左將軍南擊赤眉于新城轉西入關擊盆

子于澠池破之吳漢擊蜀未破上書請復自助上不遣

上以復敢深入希令遠往而壯其勇節常自從之故復

少方面之勲諸將每論功復未曾有言上輒曰賈君之

功我自知之復闔門養威重受易經知大義帝深然之

遂罷左右將軍復以侯就第

案范書本傳初封冠軍侯建武十三年定封膠東侯

加位特進

賈宗

賈宗宗復少子

字武孺為朔方太守匈奴嘗犯塞得生口

問太守為誰曰賈武孺曰寧賈將軍子耶曰是皆放遣

還後更不入塞宗性方正為長水校尉奉職愛士及在

朝廷數言便宜深見親異賞賜殊厚上美宗既有武節

又兼經術每宴會令與當世大儒司徒丁鴻問難經傳

耿況

太史官曰耿況彭寵俱遭際會順時乘風列為藩輔忠

孝之策千載一遇也

案范書耿弇傳父況字俠游封牟平侯今其傳全闕此蓋傳後之序

耿弇

耿弇字伯昭扶風人更始使侍御史黃黨即封世祖為

肅王上在邯鄲宮晝卧温明殿弇入告牀下詰問曰今

更始失政天下可馳檄而定使者來欲罷兵不可聽也

兵一罷不可復會也上曰國家已都長安天下大定何

用兵為弇曰青徐大賊銅馬赤眉之屬數十輩輩皆數

十萬眾東至海所向無前聖公不能辦也敗必不久上

起坐曰卿失言我繫卿弇曰大王哀厚弇如父子故披

赤心為大王陳事上曰我戲卿耳何以言之弁曰百姓  
 患苦王莽苛刻日久聞劉氏復興莫不欣喜望風從化  
 如去虎口就慈母倒戟橫矢不足以明喻公首事南破  
 昆陽敗百萬師今復定河北以義征伐表善懲惡躬自  
 勞薄以待士民發號嚮應望風而止天下至重公可自  
 取無令他姓得之上曰卿若東得無為人道之弁曰此  
 重事不敢為人道也上以弁為建威大將軍

案范書本傳此在建威

武元年二年

張步都臨淄

案范書本傳時張步都劇使諸郡太守合萬餘人守臨淄

後文攷之書為合

使弟立武將軍藍將兵守西安去臨淄四

十里弁以軍營臨淄西安之間視西安城小而堅藍兵  
 又精未易攻也臨淄諸郡太守相與雜居人不專一其  
 聲雖大而虛易攻弁內欲攻之告令軍中治攻具後五  
 日攻西安復縱生口令歸藍聞之晨夜守城至期日夜  
 半令軍皆食會明案此下疑有闕文求乞攻西安臨淄不能救  
 也弁曰然吾故揚言欲攻西安今方自憂治城具而吾  
 攻臨淄一日必拔何救之有吾得臨淄即西安孤必復  
 亡矣所謂一舉而兩得者也且西安城堅精兵二萬人  
 攻之未可卒下卒必多死傷正使得其城張藍引兵突

東觀漢記 卷八  
臨淄更彊勒兵憑城觀人虛實吾深入敵地後無轉輸  
旬日之間不戰而困諸君不見是爾遂擊臨淄至日中  
破之張藍聞臨淄破果將其眾亡張步直攻弇營與劉  
歆等會戰弇升王宮環臺望之弇與步戰飛矢中弇股  
以佩刀摧之左右無知者時上在魯聞弇爲步所攻自  
往救之未至陳俊謂弇曰虜兵盛可且閉營休士以須  
上來弇曰乘輿且到臣子當擊牛醢酒以待百官反欲  
以賊虜遺君父耶乃出大戰自旦及昏復大破之後數  
日車駕至臨淄自勞軍也弇凡平城陽琅邪高密膠東

東萊北海齊千乘濟南平原泰山臨淄等郡復追張步  
步奔平壽乃肉袒負斧鑕于軍門而弇勒兵入據其城  
樹十二郡旗鼓令步兵各以郡人詣旗下眾尙十餘萬  
輜重七千餘兩皆罷遣歸鄉里弇少好學習父業案范  
傳弇父況以嘗見郡尉試騎士建旗鼓肆馳射由是好  
明經爲郎將帥之事凡所平郡四十六屠城三百未嘗挫折

### 耿國

耿國

案國

字叔憲

案范書本

爲大司農曉邊事能論議

數上便宜事天子器之

耿秉

耿秉字伯初為征西將軍鎮撫單于以下擊匈奴

封美陽侯性勇壯而簡易于事軍行常自被甲在前休

止不結營部然遠斥候明要誓有警軍陣立成士卒皆

樂為死秉薨賜朱棺玉衣南單于舉國發喪禱而流血

耿恭

耿恭字伯宗時始置西域都護戊己校尉乃

以恭為戊己校尉恭至即移檄烏孫示漢威德昆彌以

下皆歡喜遣使獻名馬願遣子入侍匈奴破殺後王安

東萊北海齊千乘濟南平原泰山臨淄等郡復追張步

步奔平壽乃肉袒負斧鑕于軍門而奔勒兵入據其城

樹十二郡旗鼓令步兵各以郡人詣旗下眾尚十餘萬

輜重七千餘兩皆罷遣歸鄉里奔少好學習父業

傳身父況以明經為郎嘗見郡尉試騎士建旗鼓肄馳射由是好

將帥之事凡所平郡四十六屠城三百未嘗挫折

耿國

耿國字叔憲為大司農曉邊事能論議

數上便宜事天子器之

耿秉

耿秉字伯初為征西將軍鎮撫單于以下擊匈奴

封美陽侯性勇壯而簡易于事軍行常自被甲在前休

止不結營部然遠斥候明要誓有警軍陣立成士卒皆

樂為死秉薨賜朱棺玉衣南單于舉國發喪齎面流血

耿恭

耿恭字伯宗時始置西域都護戊己校尉乃

以恭為戊己校尉恭至即移檄烏孫示漢威德昆彌以

下皆歡喜遣使獻名馬願遣子入侍匈奴破殺後王安

得攻金蒲城恭以毒藥傳矢傳語匈奴曰漢家神箭其

中創者必有異因發強弩射之虜中矢者視創皆沸竝

大驚相謂曰漢兵神真可畏也遂解去恭以疏勒城傍

有水徙居之匈奴來攻絕其澗水吏糝馬糞汁飲之城

中穿井十五丈無水恭曰聞貳師將軍拔佩刀刺山而

飛泉出今漢德神靈豈有窮乎乃正衣冠向井再拜為

吏士請禱有頃井泉湧出吏士驚喜皆稱萬歲恭既得

水親自輓籠于是令士皆勿飲先和泥塗城並揚示之

救兵不至車師復叛與匈奴共攻恭數月食盡窮困乃



煮鐵弩食其筋革恭與士眾推誠同死生故皆無二心  
 擊車師大破之車師太子比特訾降恭坐將兵不憂軍  
 事肆心縱欲飛鷹走狗遊戲道上虜至不敢出得詔書  
 怨懟徵下獄案范書本傳恭是時為長水校尉副馬防征西羌忤防謁者李譚奏恭以罪耿  
 氏自中興以後迄建安之末大將軍二人九卿十三人  
 尚公主三人列侯十九人中郎將護羌校尉及刺史二  
 千石數十人遂與漢盛衰

東觀漢記卷八



